



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.291/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Skender Çoçaj, kryesues, Kujtim Pasuli dhe Ramush Bardiqi - anëtarë, duke vendosur përkitazi me ankesën e kandidatit për asamble komunale në Komunën e Suharekës, nga radhët e subjektit politik LVV Xheni Daka, e paraqitur kundër Komisioni Qendror i Zgjedhjeve (KQZ), për shkak të parregullsive në Qendrën Komunale të Numërimit (QKN), për Zgjedhjet Lokale, të mbajtura më datë 12 Tetor 2025, në seancën e panelit të mbajtur me 24.10.2025, merr këtë:

V E N D I M

HEDHET E PASAFATSHME ankesa ZL.Anr.291/2025, e datës 21.10.2025, e parashtruar nga Xheni Daka kandidat për asamble komunale në Komunën e Suharekës, nga radhët e subjektit politik LVV, e paraqitur kundër Komisioni Qendror i Zgjedhjeve (KQZ), për shkak të parregullsive në Qendrën Komunale të Numërimit (QKN), për Zgjedhjet Lokale, të mbajtura më datë 12 Tetor 2025.

A r s y e t i m

Me datën 21.10.2025, PZAP-i ka pranuar ankesën e Xheni Daka kandidat për asamble komunale në Komunën e Suharekës, nga radhët e subjektit politik LVV, me të cilën pretendon se ka pasur manipulim me votat e tij, ashtu që gjatë numërimit të votave në Qendrën e Numërimit në Suharekë, në vazhdimësi janë rritur votat e kandidatëve të subjekteve tjera, ndërsa numri i votave të tij ka mbetur i njëjtë, përkundër faktit se i ka pasur vëzhguesit e tij dhe që ka pasur votë në çdo vendvotim mirëpo që në rezultat në QKN nuk i kane dalur. Kërkon nga PZAP që ta bej rinumërimin e të gjitha votave të vendvotimeve të kandidateve të Lëvizjes Vetëvendosje në Komunën e Suharekës.

Në përgjigjen në ankesë Komisioni Qendror i Zgjedhjeve (KQZ), me datë 22.10.2025, ka deklaruar se, kanë deklaruar se bazuar në nenin 101 të LZP-së Nr.08/L-228, Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhje Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN. Rezultatet preliminare nga vendvotimet mund të korrigjohen në Qendrën Komunale të numërimit në përputhje me paragrafin 3 të nenit 14 të Rregullores Zgjedhore Nr.16/2024 për Qendrat Komunale të Numërimit (QKN). Andaj bazuar në Rregulloren Zgjedhore Nr.13/2024 Rezultatet Zgjedhore nenin 9 paragrafi 1 thekson se, në rast të mospërputhjes së rezultateve, KQZ-ja mund të urdhëroj rinumërimin e votave të cilit do VV, ose edhe përsëritjen votimit në një VV apo QV. Rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e rregullta;

fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimeshëm nga subjekte politike dhe kandidatët të cilët kanë pretendime në raport me numërimin e votave të tyre.

Tutje kanë theksuar se pas pranimit të kërkesës për përgjigje kanë kontaktuar me Komisionin Komunal të Zgjedhjeve (KKZ) të Komunës së Suharekës nga i cili kanë marrë përgjigjen si më poshtë: Më lejoni të ju informoj se ne si Komision Komunal i Zgjedhjeve i Komunës së Suharekës ka filluar punën në Qendrën Komunale të Numërimit me datë 13.10.2025 në ora 16:00. Në QKN kanë qenë të vendosura gjithsej 10 tavolina pune, ë cilat janë përbërë nga anëtarët e subjekteve politike VV, LDK, PDK dhe AAK, dhe nga mediat e akredituara të cilën e kanë monitoruar vazhdimisht procesin e numërimit. Procesi është mbikëqyrur përmes kamerave të sigurisë të vendosura në çdo tavolinë pune, si dhe nga pesë kamera shtesë që e kanë mbuluar tërë hapësirën e Qendrës së Numërimit. Procesi i numërimit në QKN është përmbyllur më datë 16.10.2025, në ora 15:45, ditën e enjte.

Lidhur me pretendimet e palës ankuese për mospërrputhje të rezultatit zgjedhor, në kuptim të nenit 117 paragrafi 3 të LZP-së Nr.08/L-228, gjatë shqyrtimit të ankesës është vërejtur se pala ankuese nuk ka bashkëngjitur prova relevante që do të mund të dëshmonin apo mbështesnin pretendimet e mospërrputhjes së rezultateve zgjedhore. Andaj pas analizimit të lëndës është vërejtur se pala ankesën e ka paraqitur jashtë afatit ligjor për paraqitjen e ankesës, sepse pas konfirmimit të ZEKKZ në Komunën e Suharekës, aktiviteti I QKN-së është përmbyllur me datën 16.10.2025, në orën 15:45, ndërsa pala ankesën e ka parashtruar me datën 21.10.2025, pra nuk është brenda afatit siç parashihet me nenin 105, paragrafi 1 I LZP-së Nr.08/L-228.

Paneli Zgjedhor për Ankesa dhe Parashtrës - PZAP, pas shqyrtimit të ankesës dhe shkresave të lëndës, gjeti se:

- Ankesa është e pasafatshme.

Në këtë rast, nga shqyrtimi i shkresave të lëndës, konstatohet se ankesa e parashtruar nga Xheni Daka kandidat për asamble komunale në Komunën e Suharekës, nga radhët e subjektit politik LVV e paraqitur kundër KQZ, ku ka pretenduar se ka pasur parregullsi në Qendrën Komunale të Numërimit (QKN) lidhur me manipulim të votave është parashtruar pas afatit të përcaktuar ligjor.

Me dispozitën e nenit 105 paragrafi 1, në mënyrë decitive parashihet se *"Ankesat lidhur me administrimin e numërimit në QKN dhe QNR, dorëzohen me shkrim pranë PZAP-së brenda dyzet e tetë (48) orëve nga ndodhja e shkeljes së supozuar," të Ligjit Nr. 08/L-228 për Zgjedhjet e Përgjithshme në Republikën e Kosovës.*

Me dispozitën e nenit 9 paragrafi 5 të Rregullores Nr. 01/2025 për Procedurat e Parashtrimit dhe Vendosjes së Ankesave të PZAP-it, parashihet që *"Personi mund të paraqes ankesë në PZAP, brenda dyzet e tetë (48) orëve për shkeljet e pretenduara",* ndërsa nën paragrafi 5.16. parashihet që *"Për shkeljet e pretenduara gjatë procesit të administrimit dhe numërimit në QKN dhe QNR".*

Neni 13, paragrafi 3, nën paragrafi 3.2 i Rregullores Nr.01/2025 për Procedurat e Parashtrimit dhe Vendosjes së Ankesave të PZAP-it, parasheh që: *"PZAP-i e hedhë ankesën kur vlerëson se ajo nuk është dorëzuar në afatin e paraparë ligjor."*

Në rastin konkret Paneli vlerëson se parashtruesi i ankesës ka dorëzuar ankesaën në PZAP me datë 21.10.2025, ndërsa nga të dhënat zyrtare, e po ashtu edhe nga përgjigja e KQZ është vërtetuar me konfirmimin e ZEKKZ në Komunën e Suharekës, aktiviteti I QKN-së është përmbyllur me datën 16.10.2025, në orën 15:45, me çka vërtetohet se ankesa e ankuesit nuk është paraqitur brenda afatit ligjor prej 48 orëve, siç parashihet me nenin 105, paragrafi 1 të Ligjit për Zgjedhjet e Përgjithshme në Republikën e Kosovës, andaj dhe ankesa u deshtë që të hedhet si e pasafatshme.

Nga arsyet e theksuara më lartë dhe duke u bazuar nenin 105 paragraf 1 i LZP-së, nenit 117 paragrafi 3, dhe nenit 118 paragrafi 1 të Ligjin Nr.08/L-228 Për Zgjedhjet e Përgjithshme në Republikën e Kosovës lidhur me nenin 9 paragrafi 5 nën paragrafi 5.16, nenin 13, paragrafi 2, neni 13 paragrafi 3 nën paragrafi 3.2 të Rregullës 01/2025 për Procedurat e Parashtrimit dhe Vendosjes së Ankesave, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

ZL.Anr.291/2025 më datën 24.10.2025



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të Ligjit Nr.08/L-228 për Zgjedhjet e Përgjithshme në Republikën e Kosovës, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi.